

# Sample



SAMPLE

WYCLIFFE INC.



## Copyright information

This work is licensed under the Creative Commons Attribution-NonCommercial-NoDerivs 3.0 Unported License. To view a copy of this license, visit <http://creativecommons.org/licenses/by-nc-nd/3.0/>

## Contents

## Asun Wankláán Ání Mateo Lówanlín

### Bòho Yesu Fé Owie Yerusalem

(Marko 11:1-11; Luka 19:28-40; Yohane 12:12-19)

**21**<sup>1-2</sup> Bréá Yesu mva mu akasípú bebéen Yerusalem wúlu, beta Betfage wúlu ání ibv Nfò-nyíbu <sup>1</sup> ámv asi wie tá á, olowa mu akasípú abanyó gyankpá. Oblebláa amú obée, “Mlityo wúlu anfi ida mli ansító ánfisv. Ní mlowié wúlu amv onó á, mlówun afrímú tsíhé okvá oda ofétó, mu bi líi mu wá. Mlusanki mu, amlíkpa amú ba mli. <sup>3</sup> Ní okv ofité mli asvankv á, mlibla mu mliáa, ‘Ání Wie dé amú hián.’ Inuvv obéha mlópv amú ba mli.”

<sup>4</sup> Íni léha Bulu asún amúv obéblí tsun mu onósú otóipúsv amv léba mótó. Obée,

<sup>5</sup> “Mlibla Sionfò mliáa,

Mlíki, mli Wie obá mli wá.

Ololwií, odun afrímúsú.

Odun afrímú ibí yínhésú obá.”

<sup>6</sup> Yesu akasípú abanyó amv boyóbwe ali amúv Yesu lébláa amú amv. <sup>7</sup> Bekpa afrímú mva mu bi amv ba, beyaí amú atati dínká amúsú, olodu bian mvsu. <sup>8</sup> Odóm kpónkpónkpónti beyaí amú atati tswi okpató, akv é bebiabía afitáa bunbun okpa amvto. <sup>9</sup> Odóm amúv bugya Yesu nkpa mva oma amv bosurá okitikiti bée, “**Hosiána** há Dawid mu na amv! Bulu oyúla owie anfi obá mu dátó ánfí! Hosiána bu osúsúsú!”

<sup>10</sup> Bréá Yesu lówie Yerusalem a, wúlu amvto féé lèda kpokiti, budefité bée, “Ma gyí ohá ánfí?”

<sup>11</sup> Odóm amúv bubuo mu amv bele mú onó bée, “Oni gyí Yesu, Bulu onósú otóipú

amúv otsú Nasaret wúluá ibv Galilea omátó amv ni.”

### Yesu Bulu Otswékpa Yó

(Marko 11:15-19; Luka 19:45-48; Yohane 2:13-22)

<sup>12</sup> Múv Yesu lóyo **Bulu otswékpa** wunsunésú unv, yégva ató afepú pú ató ahópv féé dali. Olowuwíta kóba atsépv mpónú dá, súnsúnti abródvma afepú é mbíá dá. <sup>13</sup> Oblebláa amú obée, “Bówanlín wá Bulu asún amvto bée, ‘Béti mí otswékpa bée, mpái obokpá.’ Táme mliapú unv mli awikplu oḡaínkpá.”

<sup>14</sup> Ansibi abwiepú pú abubúpv aku beba mu wá Bulu otswékpa wunsunésú unv, oletsa amú ilo. <sup>15</sup> Bréá Bulu **igyí** ahapú dehen pú Mose mbla asunápú amv bowun ofúla ání Yesu débwe, pú aliá nye-bí budekplún Bulu otswékpa wunsunésú unv bée, “Hosiána há Dawid mu na amv!” a, obló lekítá amú. <sup>16</sup> Mú sv befíté Yesu bée, “Fumedénu asún ání nye-bí ánfí budebli?”

Yesu léle mú onó obée, “Ndenu. Mlumókúkla asún ání Bulu asún wanlínhé amv léblí? Obée, ‘Fasúná nye-bí pú amúá bumókútin nyópv aliá bukánfu fú.’”

<sup>17</sup> Yesu lédali wúlu amvto sí amú yó Betania. Inú oledí eke amv ni.

### Ponto Oyí Lwú

(Marko 11:12-14, 20-24)

<sup>18</sup> Oyi kehe nyanki, bréá Yesu léyinkí obá Yerusalem a, akún de mu. <sup>19</sup> Mú sv bréá olowun ponto kvá ulí mantáa okpa á, olebaí yó mú asi. Olóyo á, omowun abí kvkv mótó, afitáa sóón bu músú. Inu olebláa ponto amv obée, “Tsu nde fumée-

<sup>1</sup>21:1 Nf-nyíb igyi obubwí k á b mantáa Yerusalem, b t t' m' Olifb .

trá swie abí ekekεεke!” Inunv oyí ámv lówu.

<sup>20</sup> Mv akasípú amv bowun alíá oyí ámv labwé á, onó lobwie amv. Mú sv befíté bεε “Ntogyi sú oyí ánfí lawú otsáwule pé alí?”

<sup>21</sup> Yesu lébláa amv obée, “Onokwali nde mli bláa. Ní mloho Bulu gyi, mímé-gyi nwéen a, mlétalí bwé itó ánfí nabwé oyí ánfí pú múa idvn mv. Mlétalí bláa ibv ánfí mlaa, ‘Pulí yowie oputo.’ Ibópulí yó. <sup>22</sup> Ní mloho Bulu gyi, mlókúlí mv tógyító á, mli ibi bédá mv.”

### **Yesu Túmí lwt Asvn Futéhé** (Marko 11:27-33; Luka 20:1-8)

<sup>23</sup> Yesu léyinkí bowie Bulu otswékpa wunsunésú unv. Bréá ode ató suná á, Bulu igyi ahapú dehen pú Yudafo ahande amv beba mv wá. Befíté mv bεε, “Ma léha fú okpa, fúde ntobí ánfí bwe? Ma léha fú túmí?”

<sup>24</sup> Yesu léle mv onó obée, “Mí é nfite mli asvn kua kule. Ní mlelé mv onó á, nébláa mli túmí oduá ndepubwé ntobí ánfí. <sup>25</sup> Bulu wá Asú Obopú Yohane lénva túmí póbó ahá **asú**, ntée nyankpusa?”

Amv wulewule boyo asvn ánfíto bεε, “Ní ablí aniaa itsú Bulu wá á, obéfíté aní obée, mv ntogyi sú anumóho mv gyi? <sup>26</sup> Ntée ablí aniaa, anyánpusa wá itsú.” Táme bude toá ahá tsotsotsó amv bóbwe amv ifú nya. Tsúfε amv fée bohogyi aní Bulu onósú otóipú Yohane gyi. <sup>27</sup> Mú sv bele mv onó bεε, “Ohwée! Anuméyín otínéá olenya mv túmí tsú.”

Múv Yesu é lébláa amv obée, “Múmú mí é mméébláa mli túmí oduá ndepubwé ntobí ánfí.”

### **Oyin Okv Abi Anyo lwt Yébi**

<sup>28</sup> “Mlivo asvn ánfíto amlíki. Oyin okv mva mv abi anyo betsiá. Eke okv oloyo yébláa odéhen obée, ‘Mí bí, nde yoyo agyómá mí ndoto ha mli.’ <sup>29</sup> Olébláa mv sí obée, ‘Mmóoyo.’ Mú oma a, olélatse

mv agywun, yó ndo ámvto. <sup>30</sup> Amv sí lénatí yó okusu amv é wá yébláa mv alí kén. Okusu amv lótsulá obée, ‘Mí sí, nóyo.’ Táme omoyo.” <sup>31</sup> Inu Yesu léfíté ahá amv obée, “Abi anyo ámvto omomu lóbwe dínká mv sí asúnsú?”

Yudafo igyi ahapú dehen pú Yudafo ahande amv bebláa mv bεε, “Odéhen amv.”

Múv Yesu lébláa amv obée, “Onokwali nde mli bláa. Lampóo ahópú pú obu-onó atsiápú bówie Bulu iwíegyi ámvto sí mli. <sup>32</sup> Tsúfε Asú Obopú Yohane lóbosuná mli tsiátó oduá ida okpa Bulu ansító, táme mímóho mv gyi. Lampóo ahópú pú obu-onó atsiápú bohó mv gyi. Oma mliólwun aní amv kúráá batse a, mlimétse mli agywun ho mv gyi.

### **Apafó Laláhe Aku**

(Marko 12:1-12; Luka 20:9-19)

<sup>33</sup> “Mlunu yébi kuv é. Odótópu okv lódo **wáun** ndo. Olegyi iban bómli mv. Olokwi wáun amv onyimékpá. Olópwe obu fúáhé kv há ndo ámv agyópu. Múv olópu ndo ámv wá apafó ibito, olotu okpa yó omá ukoto.



Wáun Ndo ní. (Mateo 21:33)

<sup>34</sup> Bréá wáun-abí amv kpótíbi lófún a, olowa mv asúmpú apafó ámv wá obée, buyóho mv ogyíkpá ba mv. <sup>35</sup> Táme apafó ámv bekitá amv, dá okule, mó okule, dá okule é abwi. <sup>36</sup> Ndo mv wie amv létrá wa mv asúmpú bámbá aní butso dun agyankpapu amv. Apafó ámv bóbwe amv é alí kén. <sup>37</sup> Mú tráhe kúráá á, oléblí obée, ‘Oo, bóbu mí bí kwíihé mv.’ Mú sv olowa mv é. <sup>38</sup> Táme bréá apafó ámv bowun mv bí ámv sísí á, bebláa aba bεε, ‘Óní obé-gyi mv sí ató ní. Mliha amo mv, méní ndo ámv ibémli aní klé.’ <sup>39</sup> Mú sv bekitá mv, bítia mv dálí ndo ámvto yómo mv.”

<sup>40</sup> “Ní ndo mu wie obá á, nto mlulah-ogyi mlíaa, obóbwe apafó ánfí?”

<sup>41</sup> Yudafo igyi ahapú dehen pú Yudafo ahande amv befe mú onó bee, “Obéha aha láláhe anfi bówu lowu sínsín, obélapú ndo amv wá apafó bámbá ibito. Amúá bétsiá pú mu ató-abí ba mu mú kpótíbi.”

<sup>42</sup> Múv Yesu léfité amú obée, “Ntée mlimókúkla Bulu asun wanlínhé amv kí? Bówanlín bee,

‘Ibwi ámúv obu ayípu bekiná ámu

lébemlí okonkísúbwi ní.

Bulu lóbwe mú alí.

Ibu wánwan.’

<sup>43</sup> “Mú sv nde mli bláa mbée, Bulu obóho mu **iwíegyi** ámu lé mli ibito púhá omá aní bobwe tóá otekle.

<sup>44</sup> “Iní sv ohá aní oledida ibwi ámu sv obébiabía blúblúblúblú. Ní ibwi ámu isunkí dá oku sv é á, ibókwe mu fíkófíkófíkó fē nfúó. <sup>2</sup> ” <sup>45</sup> Bréa Bulu igyi ahapú dehen pú Farisifo ámu bonu Yesu ayébi anfi á, ilowankí amú aní amú ode. <sup>46</sup> Tekí bekleá bekutá mu, táme benya ifú, tsúfē odom amv butobú Yesu aní Bulu onósú otóipú ogyi.

### Otsikpaín Iwí Yébi

(Luka 14:15-24)

**22**<sup>1-2</sup> Yesu létrá bláa Yudafo igyi ahapú pú Yudafo ahande amv asún yébito obée, “Bulu iwíegyi ámu igyi fē asún ánfí. Owie oku dé otsi kpáin há mu bi, <sup>3</sup> oleti ahá obée, bubá nke ámu ast. Bréa owie ámu lóbwe tá á, olowa mu asúmpú obée, buyéti ahá ámu abuba, táme bekiná bá. <sup>4</sup> Mú sv olélawá mu asúmpú bámbá obée, ‘Mlitra yebláa ahá ámu mlíaa, nabwé tógyító tá. Bamó mí nnantwie akpónkpónti ámu pú amúá bawá nfo, níná ató ámu fēé tá. Mú sv bubá otsi okpaínkpá unv.’ <sup>5</sup> Táme ahá ámúv beyéti ámu bumekplá amú. Benatí sí amú yó amú agyómású. Aku be-

natí yó amú ndoto. Aku é benatí yó amú ibiá ogyíkpá. <sup>6</sup> Amú atráhe bekutá asúmpú amv, dá amú, mó amú. <sup>7</sup> Bréa owie ámu lónu asún ánfí á, obló lehié kitá mu. Mú sv olowa mu isá akópú, boyómo ahá ámúv bomo mu asúmpú amv, wá amú wúlu ogyá. <sup>8</sup> Múv olébláa mu asúmpú bámbá obée, ‘Baníná otsikpaín atogyihe amv tá, táme ahá ámúv neti ámu bumofun ha mí wóyító ba. <sup>9</sup> Mú sv mliwie awúluto, amliti ohagyíoha aní mlówun, oba otsi okpaínkpá unv.’ <sup>10</sup> Inu asúmpú amv bowie awúluto. Beti ohagyíoha aní bowun, aha wankláan pú aha láláhe fēé. Mú sv ahá bobulá otsi okpaínkpá unv dédéédé.

<sup>11</sup> “Táme bréa owie ámu lébeki ahá ámúv batí ámu a, olowun oyin okuá omowa otsikpaín nketo atadie. <sup>12</sup> Múv oléfité mu obée, ‘Agya, nkálí ulobwe fómowa otsikpaín nketo atadie asa feba nfi?’ Oyín ámu métalí lé mú onó. <sup>13</sup> Múv owie ámu lélabláa mu asúmpú obée, ‘Mlíklí mu ayabi pú mu ibi, amlitswi mu wa oklún amvto. Inú isú mba kpisií bu ní.’ ”

<sup>14</sup> Yesu lómo mu asún onó obée, “Bulu teti ahá tsotsotsotso, táme ahá kpalobi pé otelé.”

### Lampóoka

(Marko 12:13-17; Luka 20:20-26)

<sup>15</sup> Farisifo ámu boyóbwe onó-okule aní bétetée Yesu onótó asún nú, abunya mu akítalé. <sup>16</sup> Mú sv bowa amú akasípú pú Owie **Herode** ahá Yesu wá bee buyéfité mu bee, “Osunápú, anyin aní onokwalipu fugyi, fútosúná Bulu asún ámu é onokwalisv. Futamahá ohaa otse fú agywun, tsúfē futamakí ohaa ansító. <sup>17</sup> Mú sv anidé fú fité anu. Aní mbla léha okpa aní akáa lampóo ha Roma owie dehen Kaesare, ntée anumáka?”

<sup>18</sup> Táme Yesu lówun amú agywun láláhe amv. Mú sv oléfité amú obée,

<sup>22</sup>1:44 M’f yée 44 ma nw’l dada am ak t.



“Apinabwebí abwepú, ntogyi sú mliḁé mí sḱḱ kɪ? <sup>19</sup> Mlitsu kḱba amúv bṱṱpúka lampḱḱ amv tku ba mi anki.”



Lampḱḱka kḱba ni. (Mateo 22:19)

Bḱṱba mv, <sup>20</sup> ɔlefíté amúv ɔbée, “Ma nwun pú mv dá dín mṱsú?”

<sup>21</sup> Beḱe mṱ ɔnḱ beḱ, “Kaesare.”

Múv ɔlebláa amúv ɔbée, “Múmv mlpv tḱá igyi Kaesare klé ha Kaesare, amlpv mṱá igyi Bulu klé é ha Bulu.”

<sup>22</sup> Yesu mbuat anfi lóbwie amúv ɔnḱ. Mú sv benatí.

**Kṱsú Tsú Afúlitḱ lwí Asvñ Futéhé**

(Marko 12:18-27; Luka 20:27-40)

<sup>23</sup> Eke amv kén á, **Sadukifo** aku beba Yesu wá. Bugyi ɔpasua kvá bṱteblí beḱ, kṱsú tsú afúlitḱ má unv. Befíté mv beḱ, <sup>24</sup> “Osunápú, Mose lḱwanlín tswi aní ɔbée, ‘Ní ɔkv mva mv ka bṱmḱkwí asa olowu sí mv ka amv a, mv pio otsú mv ka amv tsia, fḱkt ɔkwu ha owupú amv.’ <sup>25</sup> Oyin ɔkule abí abasiénḱ aku betsiá. Amúv ogyankpav lḱtsiá ɔká, táme ɔmḱkwí asa olowu. Mv pio lḱtsu ɔsvrapuka amv tsia, <sup>26</sup> táme mv é ɔmḱkwí. ɔsaasi lḱtsu ɔtsu amv tsia. Mv é ɔmḱkwí. Alu yḱtv osienḱsí amv. <sup>27</sup> ɔma-ɔma a, ɔsvrapv mv é lḱbowu. <sup>28</sup> Afúli ɔkṱsúké a, amúv ɔmḱmv ɔbḱbwe mv kulu? Tsúfḱ amúv abasiénḱ amv fḱé betsiá mv.”

<sup>29</sup> Múv Yesu léle mṱ ɔnḱ ɔbée, “Megyi mli ológyi. Mluméyín Bulu asvñ wanlínhé amv ntée Bulu túmi. <sup>30</sup> Ní afúli bḱkṱsú á, bḱbwe fḱ Bulu-abḱṱ. Bṱméetsiá aká mṱa akúlu. <sup>31</sup> Mlumḱkúkla asvñ aní Bulu onutḱ lébláa mli tsú afúlikṱsú iwí? <sup>32</sup> Bulu asvñ wanlínhé léblí ɔbée, ‘Mígyi mli anáin **Abraham** mva **Isak** pú **Yakob** Bulu amv ni.’ Iní sv megyi awupú Bulu ógyi, aktankpav Bulu ógyi.”

<sup>33</sup> Bréá ɔḱḱm amv bonu asvñ anfi á, mv atosunáhé anfi leha ɔnḱ lobwie amúv.

**Bulu Mbla Ámúv Mṱá Idvñ**

(Marko 12:28-34; Luka 10:25-28)

<sup>34</sup> Bréá Farisifo bowun aní Yesu lalé Sadukifo amv asvñ ɔnḱ, asvñ lawú wá amúv ɔnḱ á, bekpa aba ya Yesu wá. <sup>35</sup> Amúv ɔkuleá ogyi mbla osunápú léfíté Yesu asvñ, ɔṱṱsḱ mv kɪ. <sup>36</sup> ɔlefíté Yesu ɔbée, “Osunápú, Bulu mbla amúv mḱmv dṱn?”

<sup>37</sup> Yesu lébláa mv ɔbée, “‘Pv fṱ klvñ, fṱ ɔkláa pú fṱ agywun fḱé dwe fṱ Wíe Bulu.’ <sup>38</sup> Iní gyi mbla amúv gyankpav aní idvñ mṱ fḱé ní. <sup>39</sup> Nyḱṱsí é igyi fḱ mṱ. ‘Dwe fṱ bá fḱ fṱ iwí.’ <sup>40</sup> Mose Mbla pú Bulu ɔnḱsú atḱpú amv atosunáhé fḱé uli mbla anyḱ anfisv.”

**Ma Gyí Kristo Amv?**

(Marko 12:35-37; Luka 20:41-44)

<sup>41</sup> Inṱa Farisifo amv bebefia sí bulí sv á, Yesu léfíté amúv ɔbée, <sup>42</sup> “Nkáli mliḁé Kristo, (ɔhá amúv Bulu ladá mv ofúli amv) iwí gywín? Ma mv na ní?”

Bebláa mv beḱ, “Owíe Dawid mv na ní.”

<sup>43</sup> ɔlelafíté amúv ɔbée, “Mú ntogyi sú ɔṱe Wankíhé léha Owíe Dawid létí mv ɔbée ‘Mí Wíé?’ Tsúfḱ Owíe Dawid léblí ɔbée,

<sup>44</sup> ‘Aní Wíe Bulu lébláa mí Wíe ɔbée,

Tsia mí gyṱṱsv nfi

yḱfun bréá néha fḱtsatsáa fṱ alupṱsú?”

<sup>45</sup> Ní Owíe Dawid onutḱ létí ɔhá anfi Bulu ladá ofúli anfi ɔbée, mv wie a, nkáli sú ɔtráa ogyi mv na?”

<sup>46</sup> Amúv ɔkṱkv mḱtalí lé mṱ ɔnḱ. Tsú eke amv a, ɔhaa mḱtrá wa klvñ fité mv asvansv.

**Mose Mbla Asunápú Pú Farisifo Tsiátí**

(Marko 12:38-39; Luka 11:43, 46; 20:45-46)

**23**<sup>1</sup> Asún ánfí ɔma a, Yesu lébláa ɔdom amv pú mv akasípú amv ɔbée, <sup>2</sup> “Mose mbla Farisifo pú Mbla asunápú amv buɔdesuná. <sup>3</sup> Mú sv mligyi amú asvn blíhé féesú, táme mlumátsiá amú atsiábi. Tsúfě butamagyi amú onutó asvn blíhésú. <sup>4</sup> Butópú ató dwindwín súra ahá, táme amú onutó butamapú osrebi ɔkule kúráá tsá amú tsu. <sup>5</sup> Butóbwe amú tógyító ahá ansísú. Butówánlín Bulu asún dínká tati téíhésú, púklí amú ɔsvkpí pú amú buna ibasv. Butóló nfě títíúntín síánsian amú atadié ɔnó.



Farisiyin nl. (Mateo 23:5)

<sup>6</sup> Butekle otsiákpá yilé tsiá nke ogyíkpá pú Yudafo Ofiakpa. <sup>7</sup> Bedálí yɔ dunsú á, butekle bée ahá butú amú bée, ‘Asunápú,’ abubun ha amú itsiá. <sup>8</sup> Mlí fěé á, apíó mligyí. Mú sv mlumáha abvti mlitɔ ɔhaa osunápú. Obakúle pé gyi mli osunápú. <sup>9</sup> Alí kén mlumáti ɔhaa mli sí ɔsvlúv anfisv ní. Tsúfě Ɔsí ɔkule pé mlibv, ɔbv ɔsúsú. <sup>10</sup> Tráhetráhe a, mlitɔ ɔhaa máha abvti mv nkpá ogyápv. Tsúfě nkpá ogyápv ɔkule pé mlibv. Mvgýi Kristo, (ɔhá ámvú Bulu ladá mv ofúli amv). <sup>11</sup> Mlitɔ ɔhande ɔbwée mli osúmpú. <sup>12</sup> Tsúfě fúá fotsu iwí á, Bulu ɔbéba fú así. Fúá fěba iwiasí é á, Bulu obótsu fú fúá.

## Apinabwebí Abwepú

(Marko 12:40; Luka 11:39-42, 44, 52; 20:47)

<sup>13-14</sup> “Mlí Farisifo pú Mose mbla asunápú, apinabwebí abwepú, mligyɔwí ní. Mlúlatin Bulu iwíegyi ámv ɔkpa wá ahá. Mlí onutó mlumédékléá mlówie unv,

mlidé ahá ání buɔde mbódí bɔ bée bówie unv é ɔkpa tíin. <sup>3</sup>

<sup>15</sup> “Mlí Farisifo pú Mose mbla asunápú, apinabwebí abwepú, mligyɔwí ní. Tsúfě mlitɔfá ilun fá ɔpv, dú ibv kplí ibv há ɔha tɔdámli klvntɔ. Táme ní ɔdámli klvntɔ tá á, mlitelábwe mv otemlí isvbití ogyá ání itamaduntɔ ɔyɔpú dvn mli onutó.

<sup>16</sup> “Ansibi abwiepú ání mlidé ahá kpa, mligyɔwí ní. Mliteblí mliáa, ‘Ní ɔkv ɔká Bulu ɔtswékpa obu ámv ntam a, imehián ání obég yi músú. Táme ní ɔká sika pepe atóá ibv ɔtswékpa obuto unv mv ntam a, ilehián ání obég yi músú.’ <sup>17</sup> Ansibi abwiepú! Aha mimláhe! Mútó mɔmv bu labi dvn? Sika pepe ató ámv lóó, ntée Bulu ɔtswékpa obu ámvú ilahá sika ámv lamli Bulu klé amv? <sup>18</sup> Mlitetráa blí mliáa, ‘Ní ɔkv ɔká afɔɔɔɔ-asubwi ntam a, imehián ání obég yi músú. Táme ní ɔká afɔɔɔɔ-abotó ámv ntam mv á, ilehián ání obég yi músú.’ <sup>19</sup> Ansibi abwiepú! Mútó mɔmv bu labi dvn? Afɔɔɔɔ-abotó ámv ntée afɔɔɔɔ-asubwi ámvú ilahá mv ilamli Bulu klé amv? <sup>20</sup> Ní feká afɔɔɔɔ-asubwi amv ntam a, faká ibwi ámv pú atóá idv músú fěé ntam. <sup>21</sup> Ní feká Bulu ɔtswékpa amv ntam a, faká Bulu mv mv otsiákpá ntam. <sup>22</sup> Ní feká ɔsúsú ntam a, faká Bulu mv mv owíe obíá ntam.

<sup>23</sup> “Mlí Farisifo pú Mose mbla asunápú, apinabwebí abwepú, mligyɔwí ní. Mliteye mli ɔtsutsú pú kpántánkplá-má aná fěétó idú, pú idúsi há Bulu. Táme mlumédé Bulu mbla ámvú ihíe dehián, igyi asúngyi ɔnɔkwalsv, aba nwewúun pú ɔnɔkwaliwa ámvsv gyi. Múdéhíán ní, táme mlumákiná iyétó dúsi amv é ha. <sup>24</sup> Ansibi abwiepú ání mlidé ahá kpa, mligyɔwí ní. Mlitotsró mbépi lé oputsútó, táme mliemé mbéwun.

<sup>3</sup>23:14 M’ t’ yée 14 b nw l’ dada am ak t : Mlí Farisif p’ Mose mbla asunáp’ , apinabw bí abw p’ , mligy w n’ . Mli t l’ ahát b’ mpá t’ nt’ nt’ n, tám mli t sw’ as rap am’ wóyi p’ am’ at’ f’ . ‘n s Bulu b’ b’ t’ mli s d n aha tráh .

<sup>25</sup> “Mli Farisifo pú Mose mbla asunápú, apinabwebí abwepú, mligyowí ní. Tsúfě mltófwi mli nwe pú mli nlepe oma wankláán, táme atóá mltlapú owi múa onsipe swíi ahá sóón bu mótó. <sup>26</sup> Farisifo ansibi abwiepú, mligyankpa fwi nwe múa nlepe ámutó, mú oma é bétun.

<sup>27</sup> “Mli Farisifo pú Mose mbla asunápú, apinabwebí abwepú, mligyowí ní. Mltlabwé fě ntsán ání bakpá mú afá futútúútú, mú twi lawá akíle. Táme mótó mú á, afúli awú pú ato plóhé sóón bó mú. <sup>28</sup> Alí kén mligyí ní. Ahá btekti mli ání mligyí yilé abwepú. Táme mli klontó mú á, apinabwebíbwe múa lalahébwé sóón bó mú.

### **Bulu Isvbití** (Luka 11:47-51)

<sup>29-30</sup> “Mli Farisifo pú Mose mbla asunápú, apinabwebí abwepú, mligyowí ní. Tsúfě mltópwe Bulu onósú atóipú pú yilé abwepú ámutó betsiá ámu ntsán, lá mú twi wankláán, blí mliáa, ‘Ní anilét-siá aní anáin brésú asa bomo Bulu onósú atóipú anfi á, tekti anumówa ibi mótó.’ <sup>31</sup> Mli asun blíhé anfi désuná ání mligyí Bulu onósú atóipú amópú ámu abí-aná ní. <sup>32</sup> Mliwuna yo músú, amlumó mli

anáin bwehé ámu onó. <sup>33</sup> Awo, abe abí-aná! Mlétalí sri sí ipón ámutó Bulu obéha mli, kpá mli wá isvbití ogyá ámutó ita-maduntó ámu? <sup>34</sup> Mú su nde Bulu onósú atóipú, anyansapu pú Mose mbla asunápú wa sisi mli. Táme mlómó aku, dá amótó aku mántá oyikpalíhesu. Mlónwen amótó aku mpli mli ofiakpa, dínká akusu tsú awulusu yó awulusu. <sup>35</sup> Íni su yilé abwepú ámutó mliá mli anáin mltamó tsú **Habelsu** bōfōn Sakaria, ogyi Barakia mu bi ámutó mltómó Bulu otswékpa obu múa **afōdie-asubwi** amu nsuné ámu fěé obugya béba mli su. <sup>36</sup> Onokwali nde mli bláa. Íni aná fěé su Bulu isvbití béba mli ndemba-abí anfisú ní.

### **Yerusalemfo lwi Odwe** (Luka 13:34-35)

<sup>37</sup> “Óo Yerusalemfo, Yerusalemfo! Mltómó Bulu onósú atóipú, dá abí ání Bulu lawá sisi mli abwi mó ní. Ntekleá nóbun mli abísú brégyíbré, fě alíá bate to-bun mu abísú, táme mltamahá mí okpa. <sup>38</sup> Mlikti, Bulu obési mli otswékpa tswi mli, ibéti kpan. <sup>39</sup> Tsúfě nde mli bláa mbéé, mltumétrá wun mi ekekekeke, yófōn ekeá mléblí mliáa, ‘Bulu oyúla ohá ámutó obá mu idátó.’ ámu.”